

容

庶物類纂

穀屬
自三至四

太政官文庫			
和書門類	特別	一二三六二號	第一二三四番
		函架	冊
		四六五	冊



內閣文庫	
番號	和 32362
冊數	465 (216)
函號	特 54 1

四十三内

共二十







庶物類纂穀屬卷之三目次
未

庶物類纂

卷三

穀屬目次

京師書目

卷三

禾

京師書目

卷三

穀屬

禾

禾

續搜神記曰廬陵巴丘人周晃者世以田作為業年常田數十頃家漸富晉太元初秋收已過穫荊都畢明旦至田禾悉復滿湛然如先即便更穫盈倉於此

遂巨富

唐歐陽詢藝文類聚

機謹按太平御覽周晃作文晃

尚書金縢曰周公居東秋大熟未穫天大雷電以風禾則盡偃王啓金縢得周公代武王之說王出郊天乃反風禾盡起

毛詩甫田曰禾易長畝終善且有易治也長畝竟畝也

禮記檀弓下曰季子皋葬其妻犯人之禾申詳以告

曰請更之子皋曰孟氏不以此罪予朋友不以此棄

予以吾為邑長於斯也買道而葬後難繼也

左傳隱公曰夏四月鄭祭足帥師取温之麥温周地蘇氏邑

也秋又取成周之禾

春秋繁露曰禾實於野粟缺於倉皆竒怪非人所意

乎此可畏也

史記封禪書曰管仲說桓公曰古之封禪北里禾所

以為盛蘇林注曰北里地名

機謹按藝文類聚封禪下有者字里下有之字

漢書曰武帝外事四夷四民去本董仲舒說上曰春

秋他穀不書至於麥禾不成則書之以見聖人於五

穀最重麥與禾

又郊祀志曰王莽篡位興神仙事種五梁禾於殿中

各順其色置其方面煮二十餘物漬種計粟斛成一

金言此黃帝穀仙之術

機謹按淵鑑類函梁作色色作方無置其方面四

字無計粟斛成一金六字

續漢書曰羨字少子琅耶人常在家陰山中耕種禾黍臨熟人認之宮便推與而去由是發名也

機謹按淵鑑類函羨字下有宮字家作蒙

東觀漢記曰淳于恭字孟孫有盜荊禾黍見之念其愧因伏草中盜去乃起

機謹按藝文類聚荊禾黍作荊恭禾者恭五字因

下有自字

後漢書王符論曰夫養稂莠者傷禾稼惠姦究者賊

良人

又曰蔡茂初在廣漢夢入大殿極上有三穗禾茂跳

取之得其中穗輒復失之屋之大者古通呼為殿也極殿深也三輔間屋梁

為極以問主簿郭賀賀離席慶入大殿者官府形象也極而有禾人臣之祿也取中穗是中白之位也於

字禾失為秩曰失之所以得祿秩也 衮職有關君其補之旬月而茂歡焉

機謹按淵鑑類函殿極作極殿

晉書曰庾衮居貧禾熟獲者也畢而採捃尚多衮乃引其羣子以退曰待其間及其捃也不曲行不旁掇跪而把之則亦大獲又與邑人入山拾橡分夷險序

長幼推易居難禮無違者

機謹按淵鑑類函者也之也作已無山字

臧榮緒晉書曰朱冲字臣容躬植禾藝蔬鄰牛侵犯持芻送牛而無恨色

後魏書曰許謙字元遜代人也于洛陽為鴈門太守家田三生加禾皆異壟合穎世祖善之進爵地公也北史曰趙肅援原川總管司馬在道夜行其左右馬逸入田中暴人禾輒駐馬待明訪禾主酬直而去又曰馬燧大曆四年為懷州刺史乘兵亂後其夏大

旱人失耕種燧乃務教化將吏有父母者燧輒遣之施散收瘞骨暴去其煩苛秋田中生穰禾人頗便之

穰音呂禾再生也

機謹按淵鑑類函遣作造散作敬骨暴作暴骨

淮南子曰后稷辟土墾草以為百姓力農然而不能使禾冬生

機謹按淵鑑類函無以為百姓力農然七字

又曰洛水輕利而宜禾

又曰夫子見禾之三變

夫子孔子也三變始於粟滔粟生於苗上戍於德也

滔然曰狐鄉丘而死我其首禾乎穗垂而向根君子
不忘本也

機謹按淵鑑類函粟生於苗上戍於德也作粟生
於苗苗成於穗也

呂氏春秋曰飯之美也玄山之禾

機謹按藝文類聚也作者

山海經曰崑崙墟土有木禾長五尋

郭璞注曰木禾稻穎也

機謹按藝文類聚土作上

說文曰禾嘉穀也二月始生八月而熟得時之中故

謂之禾禾也木王而生金王而死種早種也穎禾末
也穀禾皮也稗禾莖也稟稗也

機謹按事言要玄禾也作禾木也種作稊

會稽典錄曰沈勳身自耕耘以供衣食人有盜獲其
禾勳見而避之明日更收拾送致其家盜者愧懼齊
還不受

六韜曰主好田獵則歲多大風禾穀不實

廣五行記曰東魏後靜帝天保初四月禾夜生於帝
銅硯中及明而長數寸有穗其年帝為高洋所入幽

遇鳩而崩

汜勝之書曰種禾無期因地為時三月榆莢時雨高地強土可種禾薄田不能糞者以原蚕矢雜禾種之則禾不蟲

崔寔四民月令曰三月二日可種種禾

夢書曰禾稼為財用之所出夢見禾吉財氣生以上太平

御覽

機謹按藝文類聚財用作財田吉字作稼言二字

種禾不耨而懟其秋與食為仇宋景文公筆記

十月納禾稼黍稷重稼禾麻菽麥注禾者總名黍稷

稻苽梁皆名為禾麻與菽麥則無禾稱七月○合璧事類

禾者穀連稟結之總名又稻秫苽梁之屬皆禾也明馮

應京月令廣義

得時之禾長稠而穗大本而莖殺疏穢而穗大其粟圓而薄糠其米多沃而食之彊如此者不風先時者莖葉帶芒以短衡穗鉅而芳奪米而不香後時者莖葉帶芒而衡穗閱而青零多糝而不滿呂覽○明陳耀文天

中記

亢倉子曰得時之禾長稠而大穗圓粟而薄糠米粘而香春而易白食之強失時之禾深芒而小莖穗銳多秕而青莖得時之黍穗不芒以長搏米而寡糠失時之黍大本華莖葉膏短穗得時之稻莖葆長稠穗如馬尾失時之稻纖莖而不滋厚糠而菑死得時之麻疎節而色陽堅臬而小木失時之麻蕃柯短莖岸節而葉蟲得時之菽長莖而短莢其莢二七以為族多枝數節競葉繁實稱之重食之息失時之菽心長而蔓浮葉虛木疎節而小莢得時之麥長稠而頸族

二七以為行薄翼而蘗色食之使人肥且有力失時之麥臍腫多病弱苗而翠穗此是農經第一語也得

時失時之說物亦有然者矣

明王元美宛委餘編

惡莠恐其亂苗今莠乃狗尾草去苗甚遠安得亂苗惟莠稗可以亂苗詩曰不稂不莠禾粟生穗而不實者俗名宿田翁今嗔人曰不郎不秀者本此

明田藝衡留青

札日

王莽種五梁禾于殿中先鬻鶴鶩玳瑁羣玉二十餘物漬種此神農穀仙之術也

五梁禾即五色禾○說文禾嘉穀也以二月而

種八月始熟得時之中故謂之禾此其義也○明陳仁錫潛確居類書

汜勝書曰禾生於寅壯於午長於申老於戌死於

惡於壬癸忌於丙丁類纂禾嘉穀也二月始生八月而

熟得時之中故謂之禾說文○明劉仲達鴻書

神農藏種方煮馬矢以汁漬種令禾不蟲齊民要術

亦大同小異又方令馬食穀種數口則不生好妨明揚

外庵外集

霜降前一日見霜則知清明前一日霜止霜降後一

日見霜則知清明後一日霜止五日十日而往前後

同占欲出秧苗必待霜止每歲推驗若合符節同上

禾音和嘉穀也稼之總名黍稷稻粱通謂之禾明吳元滿

六書正義

廣雅曰粢稻其穗謂之禾

詩曰十月納禾稼

又曰禾易長畝終善且有

春秋感精符曰日下淪於地則嘉禾興

機謹按廣羣芳譜感精符作感應符

後漢書王符論曰夫養稂莠者傷禾稼惠奸宄者賊

良人

師曠占術曰杏多實不蟲來年秋禾善

莊子曰鹵莽而種之禾亦鹵莽而報之滅裂而耰之

禾亦滅裂而報之

呂覽曰禾之患不俱生而俱死先生者美米後生者

為粃是故其耨也長其兄而去其弟

廣志曰渠禾蔓生實如葵子米粉白如麪為饘粥牛

食之肥六月種九月熟感禾扶疎生實似大麥楊禾

實似雀粒細也折右炊停即牙生此中國巴禾木稷

也大禾高丈余子如小豆出粟特國

機謹按齊民要術渠作梁

晉書曰郭翻字長翔欲墾萊田先立表經年無主乃

作將熟人認禾悉與之縣令聞之將稻還翻翻不受

北史曰趙肅授原州總管司馬在道夜行其左右馬

逸入田中暴人禾輒駐馬待明訪禾主酬直而去

淵鑑類函

禾戶羅切音和嘉穀總名黍稷稻梁自苗至實皆曰

禾詩小雅禾易長畝註易治長竟也管子小問篇苗

始其少也。眇眇乎孺子也。其壯也。莊莊乎士也。至其成也。由由乎茲。勉何其君子也。天下得之則安。不得則危。故命之曰禾。此可比于君子之德矣。又呂覽禾之患不俱生而俱死。先生者美。米後生者為粃。是故其耨也。長其兄而去其弟。註謂存其長大去其弱小者。若弱小者不去則長大者因之而多。粃也。又師曠占術曰。杏多實不蟲來。年秋禾善。又山海經玉山王母所居。昆侖之墟。高萬仞。其上有木。禾長五尋。大五圍。二月生。八月熟。註木禾穀類可食。

清廖文英正字通

國初四明人王桓與二儒者同赴召見。太祖于便殿上問二儒者卿事何業。一對曰臣業農。上曰卿為農亦知禾麥之節有不同乎。對曰知之。禾三節而麥四節。是不同也。上曰禾麥類耳。節之不同何也。對曰禾播種於春。至秋而獲。凡歷三時。故三節。麥則歷四時始成。故四節。上曰是能知稼穡之艱難者。即擢某州知州。其一儒對曰臣業醫。上曰卿為醫亦知蜜有苦而膽有甜者乎。對曰蜂釀黃連花則蜜苦。猿猴食菓多則膽甜。上曰是能格物者。擢為大醫院使。次問

及桓桓對曰臣所業訓蒙上曰卿亦有**好惡**乎對曰人之善者好之其不善者惡之上曰是**能明理**者擢

為國子助教寧波府志

康熙十一年秋禾自枯死如席如箕如笠鄉人名**箬**

帽瘟平湖縣志

康熙二十六年禾苗頗秀臨穫狂風三日幾無遺穗

安鄉縣志

禾米似糯較長香嫵宜粢宜醴烝熟拌麵以篋為臍置壺口糟實其上液醜于下封固藏久貴客至乃

開酌有陳至數年者色味香美雖漢人之重釀無以

踰也番酒惟此最佳諸羅縣志

種禾於園種之法先於秋八九月誅茅平覆其埔使

草不沾露自枯而朽土鬆且美俟明歲三四月而播

場功畢仍荒其地隔年再種法如之禾結高而柔慮

為風雨摧折雜植薏苡薏結粗硬又差高於禾如藩

籬然一畦之中兩種並獲同上

崇禎十年四月枯禾重蘇結粒米異嘗是年邑人虞

國鎮名入翰林義烏縣志

嘉靖十三年二月田間舊禾本芘然發榮吐穗結實

鄉民取以報官 福寧州志

萬曆四十四年禾不種自生多者畝入二石五斗 贛

縣志

庶物類纂穀屬卷之四目次

梁禾

木禾

大禾

楊禾

感禾

畬禾

魚禾

貳禾

燕物類纂
卷四

梁禾

燕物類纂
卷四
穀屬
梁禾

梁禾

廣志曰梁禾蔓生實如葵子米粉白如麪可為饅粥

牛食以肥六月種九月熟後魏賈思勰齊民要術

機謹按淵鑑類函梁禾作渠瓜

庶物類纂

卷四

庶物類纂

卷四

穀屬

木禾

木禾

木禾

郭璞曰木禾穀類也

後魏賈思勰齊民要術

崑崙之墟上有木禾長五尋大五圍木禾谷類也生

黑水之阿可食

見穆天子傳○明慎懋官華夷花木鳥獸珍玩考

山海經曰崑崙墟上有木禾長五尋淵鑑類函

山海經崑崙墟上有木禾長五尋大五圍 穆天子

傳天子東征至於重鎰氏黑水之阿爰有野麥爰有

荅董西膜之所謂木禾重鎰之所食

佩文齋廣羣芳譜

機謹按典籍便覽五圍下有二月生八月熟六字

蘇物類纂

卷四

大禾

蘇物類纂

卷四

穀屬

大禾

大禾

粟弋出大禾高丈餘子如胡豆

宋馬端臨
文獻通考

廣志曰大禾高丈餘子如小豆出粟特國

淵鑑
類函

齊民要術火禾高丈餘子如小豆出粟特國

佩文齋
廣羣芳

譜

蘇物類纂

卷四

楊禾

蘇物類纂

卷四

穀屬

楊禾

楊禾

廣志曰楊禾實似藿粒細也折右炊停即牙生此中

國巴禾木稷也

淵鑑類函

齊民要術楊禾似藿粒細左折右炊停則牙生

佩文齋廣

羣芳譜

感禾

感禾

廣志曰感禾扶疎生實似大麥淵鑑類函
 齊民要術感禾扶疎生實似大麥佩文齋廣羣芳譜

燕
牛
類
纂

卷
四

畝禾

燕
牛
類
纂

卷
四

畝
屬

畝
禾

一

畝禾

吳浙農家甚勞橫之農甚逸其地皆山鄉有田一坵則有塘豬水塘高於田旱則決塘竇以灌又有近溪澗者則決溪澗故橫人不知有桔槔每歲二月布種畢以牛耕田令熟秧二三寸即插於田更不復顧遇無水方往決灌畧不施耕盪鋤之工惟薅草一度而已勤者再之薅者言拔去草也至六月皆已獲每一畝得穀二石者爲上此亦習於免惰而不力耳又有畝禾乃旱地可種者彼人無田之家并徭僮人皆從

山領上種此禾亦不施多工亦惟薈草而已獲亦不
 減水田彼又不知種麥之法故膏沃之地皆一望蕪
 莽不顧余詢之云亦嘗種遇熟時不伺曝乾即鞭淨
 處之器間彼土又多濕熱皆顯為紅色食皆無味或
 有食即嘔吐成疾遂云地不宜麥故皆不種殊不知
 收時須曝令乾甚方貯之無不美者余備寫種收之
 法示之各村墟間亦有人種矣

明吳興王濟君子堂日詢手鏡

魚禾

魚禾

魚禾芒長米白魚好食之故名漁人以之作餌

崇安縣志

庶物類纂
卷四

貳禾

庶物類纂
卷四

穀屬
貳禾

一

貳禾

貳禾收早稻之後復種佃民自收不交租

萬載縣志

庶物類纂

卷四

